



საქართველოს მთავრობის გ ა ნ კ ა რ გ უ ლ ე ბ ა

N 1967-2019 წლის 13 სექტემბერი ქ. თბილისი

ქალაქ ქუთაისის მუნიციპალიტეტის მიერ განსახორციელებელი
ღონისძიებების შესახებ

1. მიეცეს უფლება ქალაქ ქუთაისის მუნიციპალიტეტს, „საქართველოს რეგიონებში განსახორციელებელი პროექტების ფონდიდან ადგილობრივი თვითმმართველი ერთეულებისათვის თანხის გამოყოფის შესახებ“ საქართველოს მთავრობის 2015 წლის 20 იანვრის №39 განკარგულების საფუძველზე გამოყოფილი თანხიდან დარჩენილი – 505 118 (ხუთას ხუთი ათას ას თვრამეტი) ლარი, „საქართველოს რეგიონებში განსახორციელებელი პროექტების ფონდიდან ადგილობრივი თვითმმართველი ერთეულებისათვის თანხის გამოყოფის შესახებ“ საქართველოს მთავრობის 2016 წლის 4 თებერვლის №175 განკარგულების საფუძველზე გამოყოფილი თანხიდან დარჩენილი 351 605 (სამას ორმოცდათერთმეტი ათას ექვსას ხუთი) ლარი, „საქართველოს რეგიონებში განსახორციელებელი პროექტების ფონდიდან მუნიციპალიტეტებისათვის თანხის გამოყოფის შესახებ“ საქართველოს მთავრობის 2017 წლის 14 მარტის №480 განკარგულების საფუძველზე გამოყოფილი თანხიდან

დარჩენილი 323 438 (სამას ოცდასამი ათას ოთხას ოცდათვრამეტი) ლარი, „საქართველოს რეგიონებში განსახორციელებელი პროექტების ფონდიდან მუნიციპალიტეტებისათვის თანხის გამოყოფის შესახებ“ საქართველოს მთავრობის 2018 წლის 18 იანვრის №136 განკარგულების საფუძველზე გამოყოფილი თანხიდან დარჩენილი 249 153 (ორას ორმოცდაცხრა ათას ას ორმოცდაცამეტი) ლარი, სულ – 1 429 314 (ერთი მილიონ ოთხას ოცდაცხრა ათას სამას ოთხმეტი) ლარი მიმართოს შემდეგი პროექტების დასაფინანსებლად:

ა) ავანგარდის უბნის სკვერის რეაბილიტაცია – 497 957 (ოთხას ოთხმოცდაჩვიდმეტი ათას ცხრაას ორმოცდაჩვიდმეტი) ლარის ფარგლებში;

ბ) ლეონიძის ქუჩაზე არსებული სკვერის რეაბილიტაცია – 134 510 (ას ოცდათოთხმეტი ათას ხუთას ათი) ლარის ფარგლებში;

გ) ხარაზოვის სკვერში დინამიკური პროგრამირებადი შადრევნის მოწყობა – 336 860 (სამას ოცდათექვსმეტი ათას რვაას სამოცი) ლარის ფარგლებში;

დ) ლიფტების მოწყობა-რეაბილიტაცია – 92 305 (ოთხმოცდათორმეტი ათას სამას ხუთი) ლარის ფარგლებში;

ე) მინისტადიონების მოწყობა-რეაბილიტაცია – 367 682 (სამას სამოცდაშვიდი ათას ექვსას ოთხმოცდაორი) ლარის ფარგლებში.

2. ამ განკარგულების შესრულების მიზნით, ეთხოვოს ქალაქ ქუთაისის მუნიციპალიტეტს ამავე განკარგულების პირველ პუნქტში მითითებული განკარგულებების ფარგლებში წარმოქმნილი ფინანსური რესურსის შესახებ ინფორმაციის (თითოეული ღონისძიების მითითებით) საქართველოს ფინანსთა სამინისტროსათვის წარდგენა.

პრემიერ-მინისტრი

გიორგი გახარია